

書名 [唐詩品彙九十卷]拾遺十卷 嘉靖十六年序刊本
 撰者 明 高棟 輯
 卷 卷八
 內容分類 集-總集-各代-唐
 索書號 集部-總集-35
 編號 D7841100

卷八

彩色首頁1

東洋文化研究所漢籍目錄 編號: D7841100

東洋文化研究所漢籍目錄所藏漢籍善本文影像資料庫 索書號: 集部-總集-35

漢籍善本文影像資料庫文本 [唐詩品彙九十卷]拾遺十卷 嘉靖十六年序刊本

版權所有: 東京大學 東洋文化研究所

使用上的注意事項

唐詩品彙卷之一

五言古詩

正始上

太宗皇帝 五首

新寧高棟編

幸武功慶善宮賦

上所生之宮也貞觀六年幸之宴從臣賞賜間

里同漢沛宛帝歡甚賦詩起居郎呂才
 彼之管絃為功成慶善樂名九功之舞

丘唯舊跡豐邑乃前基
 粵子承累聖縣弧亦在茲

際逢運改提劍鬱匡時
 指麾八荒定懷柔萬國夷

盛入款駕海亦來思
 單于陪武帳日逐衛文螭

竚袞朝四岳無為任百司
 霜節明秋景輕冰結水湄



唐詩拾遺卷之八

劉禕之一首

九成宮秋初應詔

帝圃疏金闕仙臺駐玉鑾野分鳴鶴岫路接寶鷄壇
林樹千霜積山宮四序寒蟬急知秋早鶯疎覺夏闌
怡神紫氣外凝睇白雲端舜海詞波發空驚遊聖難

褚亮一首

和御史韋大夫喜霽之作

晴天度旅鴈斜影照殘虹野淨餘烟盡山明遠色同
沙平寒水落葉脆晚枝空日簡光朝憶彤駟出禁中
息駕遊蘭坂彫文折桂叢無因輕羽扇徒自仰仁風

孔德紹一首

王澤嶺遭洪水

地籟風聲急天津雲色愁悠然萬頃滿俄尔百川浮
還似金堤溢翻如碧海流驚濤遙起鷺迴岸不分牛
木梗誠無記蘆灰豈暇求徒知懷趙景終是倦陽侯
思得乘槎便蕭然河漢遊

揚炯二首

和訓魏州李司法

脣齒標形勝關河壯邑居寒山抵方伯秋水面鴻臚
君子從遊宦忘情任卷舒風霜下刀筆軒蓋擁門閭
平野芸黃變長洲鴻鴈初菊花宜泛酒蒲葉好裁書

和曼上人傷果禪師

淨業初中日浮生大小年無人本無我非後亦非前
簫鼓旁喧地龍蛇直映天法門摧棟宇覺海破舟舡
書鎮秦主餉經文宋國傳聲華周百億風烈破三千
面沒青園寺荒涼紫陌田德音殊未遠拱木已生烟

盧照隣一首

宴梓州南亭得池字

二條開勝迹大隱叶冲規亭閣分危岫樓臺遶曲池
長薄秋烟起飛梁古蔓垂水鳥翻荷葉山虫交桂枝
游人惜將晚公子愛忘疲願得迴三合琴尊長若斯

沈佺期一首

扈從出長安應制

漢宅規模壯周都景命隆西賓讓東主法駕幸天中
太史占星應春官奏日同旌門起長樂帳殿出新豐
翕習黃山下紆徐清渭東金麾張畫月珠幘戴松風
是節嚴陰始寒郊散野蓬薄霜沾上路殘雪繞離宮
賜帛矜耆老褰旒同小童復除恩載洽望秩礼新崇
臣忝承明名多慚敵賦雄

宋之問四首

宴安樂公主宅得空字

芙蓉葉外館愛主出公宮
賓至日生槎落仙來月宇空

玳梁翻賀燕金埒倚長虹
簫奏秦臺裏書開魯壁中
短歌能駐日艷舞欲嬌風
聞有淹留處山阿滿桂叢

奉和幸大薦福寺

寺即中宗旧宅

香刹中天起宸遊滿路輝
乘龍太子去駕象法王歸
殿飾金人影窓搖玉女扉
稍迷新草木遍識舊庭闈
水入禪心定雲從寶思飛
欲知皇劫遠初拂六銖衣

遊稱心寺

釋事懷三隱清襟謁四禪
江鳴潮未落林曉日初懸
寶葉交香雨金沙吐細泉
望諧舟客趣思發海人烟
頽櫂仍留馬乘杯久棄船
未遊龜負岳且識鳥耘田
理契都無象心冥不寄筌
安期度可揖天地得齊年

遊法華寺

高岫擬耆闍真乘引妙車空中結樓殿意表出雲霞
後果傳三足前因感六牙冥林薰寶樹水溜滴金沙
寒谷梅猶淺溫庭橘未華臺香紅藥亂塔影綠篁遮
果漸輪王族緣超梵帝家晨行踏忍草夜誦得靈花
江郡將何匹天都亦未加朝來沿泛所應是逐仙查

蘇味道

九江口南濟北接蘄春南與潯陽岸

江路一悠哉滔滔九派來遠潭昏似霧前浦沸成雷
鱗介多潛育漁商幾汙洄風搖蜀枿下日照楚萍開
近漱溢城曲斜吹蠶澤隈錫龜猶入貢浮獸罷為災

渾吏揮撓疾郵童整傳催歸心詎可問為是落潮迴

和武三思於天中寺尋復禮上人之作

藩戚三雍暇禪居二室隈忽聞從桂苑移步踐花臺
敏學推多藝高談屬辨才是非寧滯著空有掠嫌猜
五行幽機暢三番妙鍵開味同甘露灑香似逆風來
砌古留方石池清辨燒灰人尋鶴州返月逐虎谿迴
連躡瞻飛蓋攀游想玉杯願陪為善樂從此去塵埃

李嶠二首

奉和幸長安故城未央宮應制

舊宮賢相築新苑聖君來運改城隍變年深棟宇摧
後池無復水前殿久成灰莫辨祈風觀空傳承露杯

宸心千載合春律九韶開今日聯章處猶疑上栢臺
劉侍讀見和山邸十篇重申此贈

神嶽瑤池圃仙宮玉樹林垂時警昊御清暑滌宸襟
梁駕陪玄賞淄庭掩翠岑對岩龍岫出分壑鴈池深
簷迥松蘿映窓高石鏡臨落泉奔澗響驚吹助猿吟
野氣迷涼燠山花雜古今英藩盛賓侶勝境想招尋
踐徑披蘭葉攀崖引桂陰穆生時泛醴鄒子或調琴
雉翳分場合魚鈎向浦沉朝遊極斜景夕宴待橫參
頽已慚鉛鋸叨名齒璫簪暫依朱邱館還暢白雲心
丘壑信多美烟霞得所欽寓言憑宿志竊吹簡知音
獎價踰珎石訓文重振金方從仁智所携手濯清潯

武三思一首

奉和過王三宅即日應制

巖居多水石野宅滿風烟本謂開三徑俄欣降九天
穿林移步輦拂岸轉行旃鳳竹初垂籜龜荷未吐蓮
願持山作壽恒用劫為年

武平一首

奉和幸韋嗣立山莊侍宴應制

三光迴斗極萬騎肅鈎陳地若遊汾水畋疑歷渭濱
負塘冰寫鏡遙樹露成春絃奏魚聽曲機忘鳥狎人
築岩思感夢磻石想畫綸落景搖紅壁曾陰結翠筠
素風紛可尚玄澤藹無垠薄暮清笳動天文煥紫宸

崔湜 一首

奉和同前

丞相登前府尚書啓舊林式問明主意榮族聖嬪心
川狹旌門抵岩高蔽帳臨閑窓憑柳暗小徑入松深
雲卷千峰色泉和萬籟吟蘭迎天女珮竹礙侍臣簪
宸翰三光燭朝榮四海欽還嗟絕機叟白首漢川陰

張嘉貞 一首

賜宴昆明池應制 同用堯字

靈沼初開漢神池舊浴堯昔人徒習武明代此聞韶
地脉山川勝天恩雨露饒特光牽利躬春淑覆柔條
芳醞醒千日華牋落九霄幸承歡賚重不覺醉歸遙

趙彦昭 一首

奉和幸長安故城未央宮應制

夙駕移天蹕憑軒覽漢都寒烟收紫禁春色繞黃圖
舊史遺陳迹前王失霸符山河寸土盡宮觀尺椽無
崇高惟在德壯麗豈為謨茨室留皇覽薰歌盛有虞

蘇頲 五首

恩制尚書省寮宴昆明池 同用堯字

露溼洒雲霄天官次斗杓昆明四十里空水極晴朝
鴈似銜紅葉鯨疑噴海潮翠山來徹底白日去迴標
泳廣漁杖溢浮深妓舫搖飽恩皆醉止合舞共歌堯

閑園即事寄贈韋侍御

結廬東城下直望江南山青靄遠相接白雲來復還
拂筵紅蘚上開幔綠條間物應春偏好情忘趣轉閑
憲臣饒美政聯事惜徂顏有酒空盈酌高車不可攀

奉和魏僕射秋日還鄉有懷之作

題

怨暑時云謝愆陽澤暫偏鼎陳從祀日鑰動問刑年
絳服龍雩寢玄冠馬使旋作霖期傳說為旱聽周宣
河嶽陰符啓星辰辰暗檄傳浮涼吹景氣飛棟洒空烟
颯颯將秋近沉沉與暝連分湍淫水石合穎雍州田
德施超三五文雄賦十千及私何以樂明主敬人天

慈恩寺二月半寓言

二月韶春半三空霽景初獻來應有受戒盡竟無餘

化迹傳官寺歸誠謁梵居殿堂花覆席觀閣柳垂疏
共命枝間鳥長生水上海問津窺彼岸迷路得真車
行密幽閑靜談精俗態祛稍麻欣所遇蓬籜愴焉如
不駐秦京陌還題蜀郡輿愛離方自此迴望獨躊躇
奉和同崔尚書贈大理陸卿鴻臚劉卿見

示之什

戲藻嘉魚樂棲梧高鳳飛類從皆有召聲應乃無違
美價逢時出奇才選衆稀避堂貽後政掃地發前幾
出曳仙人履還薰侍女衣省中何赫弈庭際滿芳菲
吏部端清鑒丞郎肅紫機會心歌咏是迴迹宴言非
北寺隣玄闕南城寫翠微參差交隱見髮鬢接光輝

八〇唐詩拾遺卷
七
賓序堂柔德刑孚已霽威巨源林下契不息自同歸
張說二首

宿直溫泉宮羽林獻詩

冬狩羨秦正親豐樂漢行星陳玄武閣月對羽林營
寒木羅霜仗空山響夜更恩承靈夜暖節效古松貞
文武皆王事輸心不為名

清遠江峽山寺

流落經荒外逍遙此梵宮雲峰吐日月石壁淡烟紅
寶塔靈仙湧懸龕造化功天香涵竹氣虛唄引松風
簷牖飛花入房廊激水通猿鳴知谷靜魚戲辨江空
靜豈將何貴唯應心境同

王翰一首

奉和聖製送張尚書巡邊

紫蓋尚書印朱軒丞相車登朝身許國出閩將辭家
不憚炎蒸苦親嘗走集賒選徒軍有令誓卒爾黠譁
帝樂風初起王城日半斜寵行流聖作寅餞照台華
騎歷河南樹旌搖天北沙榮懷應盡服嚴殺已先加
業峻靈祇保功成道路嗟寧如擊空使遠致石榴花

許景先一首

奉和同前

文武承邦式風雲感國禎王師親賦政廟畧久論兵
漢主知三傑周官統六卿四方分閫受千里坐謀成

介冑辭前殿，壺觴宿左營。賞延頒賜重，宸贈出車榮。
龍武三軍氣，魚鈴五校名。郊雲駐旌羽，邊吹引金鉦。
訓旅方稱德，安人更克貞。佇看銘石罷，同聽凱歌聲。

韓休一首

奉和同前

一德光台象，三軍掌夏卿。來威伸廟畧，出摠叶師貞。
受鉞辭金殿，憑軒出鼎城。曙光搖組甲，疎吹統雲旌。
左律方先凱，中輦即訓兵。定功彰武事，陳頌紀天聲。
祖宴初留賞，宸章更寵行。車徒零雨送，林野夕陰生。
路極河流遠，川長朔氣平。南轅遲返旆，歸奏謁承明。

袁暉一首

奉和同前

出師宣九命，分閫用三臺。始應幕中畫，吉從天上來。
丹青不獨任，韜畧遂双該。坐見威稜洽，彌彰事業恢。
旌旗曉雲送，鞞鼓朔風催。虜氣銷殘月，邊聲韻落梅。
羽書雄北地，龍漢寢南垓。寵戰黃金盡，輸誠白日迴。
離章宸翰發，祖謙國門開。欲識恩華盛，平生文武材。
已上係初唐之詩

張九齡二首

同綦母學士月夜聞鴈

棲宿豈無意，飛飛更遠尋。長途未及半，中夜有遺音。
月思關山笛，風號流水琴。空聲兩相應，幽感一何深。

避繳歸南浦離羣叫北林
聯翩俱不定憐爾越鄉心
武司功有幽庭春暄見貽夏首獲見以詩

報馬

芳月盡離居幽懷重起予
雖言春事晚尚想物華初
遲日暎方照高齋澹復虛
筍成林向密花落樹應疎
贈鯉情無間求鶯思有餘
暄妍不相待含歎欲馬如

孫逖 三首

奉和李右相賞會昌林亭

賢相初陪蹕靈山本降神
作京雄近縣開閣寵平津
地勝林亭好時清宴賞頻
百泉繁草木萬井布郊畛
德與春和成並功將造化隣
還嗤涓濱叟歲晚獨書綸

和詠麻署有櫻桃

上林天禁裏芳樹有紅櫻
江國今來見君門春意生
香從花綬轉色繞佩珠明
海鳥銜初實吳姬掃落英
切將稀取貴差與衆同榮
為此堪攀折芳蹊處處成

長洲苑

吳黃武中此地校獵

吳王初鼎峙羽獵騁雄才
輦道闐門出軍容茂苑來
山從列嶂轉江自遶林迴
劔騎緣汀入旌門隔嶼開
合離分若電馳逐溢成雷
勝地虞人守歸舟漢女陪
可憐夷漫處猶在洞庭隈
山靜吟猿父城空應雉媒
戎行委喬木馬跡盡黃埃
攬涕問遺老繁華安在哉

孟浩然 三首

同王九題就師山房

晚憇支公室故人逢右軍軒窓避炎暑翰墨動新文
竹蔽簷前日雨隨堦下雲同遊清蔭徧吟卧夕陽照
江靜棹歌歇溪深樵語聞歸途未忍去携手戀清芬

宴張訛室宅

甲第金張館門庭軒騎多家封漢陽邵文會楚才過
曲島浮觴酌前山入詠歌妓堂花映發書閣柳逶迤
玉指調箏柱金泥飾舞羅寧知書劍者年歲獨蹉跎

臘月八日於剡縣石城寺禮拜

石壁開金像香山繞鐵圍下生彌勒見迴向一心歸
松竹禪庭古樓臺世界稀夕嵐增氣色餘照發光輝

講席邀談柄泉堂施浴衣願承功德水從此濯塵機

張子容一首

贈司勳蕭郎中

作相開黃閣為郎奏赤墀君臣道合體父子貴同時
國以推賢答家無內舉疑鳳池真水鏡蘭省得華滋
未覩風流日先聞所賦詩江山清謝眺花木媚丘遲
吏部來何暮王言念在茲冊青無不可霖雨亦相期
昔我投荒處孤烟望島夷群鷗終日狎落葉數年悲
漁父留歌詠江妃入興詞今將獻知己相感勿吾欺

張光朝一首

天門街西觀榮王聘妃

仙媛來朱邸名王出紫微三周初展義百兩遂言歸
鄭國通梁苑天津接帝畿橋成烏雀助蓋轉鳳凰飛
霜仗迎秋色星缸滿夜輝從茲磐石固應為得賢妃

宋鼎一首

酬故人還山

舉棹乘春水歸山撫歲華碧潭宵見月紅樹晚開花
肅穆輕風度依微隱徑斜危亭暗松石幽澗落雲霞
思鳥鳴高樹遊魚戲淺沙安知餘興盡相望紫烟賒

盧象一首

奉和張使君宴列加朝散

左理星辰貴分榮渙汗深言從大夫後用答聖人心

騎擁軒裳客鷺驚翰墨林停杯歌麥秀秉燭醉棠陰
爽氣凌秋笛輕寒散暝砧祗應將四子講德謝知音

祖詠一首

酬汴州李別駕見贈

秋風多客思行旅厭艱辛自洛非才子遊梁得主人
文章參末議榮賤豈同倫歎逝逢三演懷賢憶法真
情因恩舊好契託死生親所愧能投贈清言益潤身

李頎二首

奉送漪叔遊潁川兼謁淮陽太守

罷吏今何適辭家方獨行嵩陽入歸夢潁水半前程
聞道淮陽守東南卧理清郡齋觀政日人馬望鄉情

疊嶺雪初霽寒砧霜後鳴臨行嗟拜手寂寞事躬耕
贈別張兵曹

漢家蕭相國功蓋五諸侯勲業山河重丹青錫命優
君為禁衛塔卑看王人遊荀令焚香日潘郎振藻秋
新成鸚鵡賦能衣鷓鴣裘不憚軒車遠仍尋薜荔幽
苑梨飛絳葉伊水淨寒流雪滿故關道雲遮祥鳳樓
一身輕寸祿萬物任虛舟別後如相問滄波雙白鷗

王維 四首

山中示弟等

山林吾喪我冠帶爾成人莫學嵇康懶且安原憲貧
山陰多比戶泉水在東隣緣合妄相有性空無所親

安知廣成子不是老夫身

送徐郎中

東郊春草色驅馬去悠悠况復鄉山外猿啼湘水流
島夷傳露坂江館候鳴騶丹服為諸吏珠官拜本州
孤鶯吟遠墅野杏發山鄣早晚方歸奏南中絕忌秋

哭褚司馬

妄識皆心累浮生定死媒誰言老龍吉未免伯牛災
故有求仙藥仍餘遁俗杯山川秋樹苦牕戶夜泉哀
尚憶青驪去寧知白馬來漢臣脩史記莫蔽褚生才

過盧員外宅看餞僧共題

三賢異七賢青眼慕青蓮乞飯從香積栽衣學水田

上人飛錫杖檀越施金錢
趺坐簷前日焚香
竹下烟寒空法雲
地秋色淨居天身
逐因緣法心過次第
禪不須愁日暮自有一燈燃

高適二首

同郭十題楊主簿新廳

華館曙沉沉惟良正在今
用材兼柱石開物象高深
更得芝蘭地兼榮枳棘林
向風高戟戶當署近棠陰
勿改安卑節聊閑理劇心
多君有知己一和郢中吟

送蔡少府赴登州推事

膠東連即墨萊水入滄溟
國小常多事人訛屢抵刑
公才徵郡邑詔使出郊坰
標格誰當犯風謠信可聽



嶂嶸大峴口遷迤汶陽亭
地迥雲偏白天秋山更青
祖筵方卜日王事急侵星
勸爾將為德斯言蓋有聽

岑參一首

和刑部成負外秋寓直寄臺省知己

列宿光三署仙郎直五宵
時衣天子賜厨膳太官調
長樂鍾應近明光漏不遙
黃門持被覆侍女捧香燒
筆為題詩點燈綠起草挑
竹喧交砌葉柳彈拂窓條
粉署榮新命霜臺憶舊僚
名香播蘭蕙價重蘊瓊瑤
擊水翻蒼海搏風透赤霄
微才喜同舍何幸忽聞韶

王昌齡一首

與蘇盧二負外期遊方丈寺而蘇不至因

有此作

此篇又作王維詩

共仰頭隨行能忘世諦情迴看雙鳳闕相去一牛鳴
法向空林說心隨寶地平手中花豔淨香帔稻畦成
問道邀同舍相期宿化城安知不來往翻得似無生

張謂一首

哭護國上人

昔喜三身淨今悲萬劫長不應歸北斗多是向西方
舍利衆生得袈裟弟子將鼠行殘藥椀虫網舊繩牀
別起千花塔空留一草堂文公何處在神理竟茫茫

陳希烈一首

奉和聖制衣三日

上巳遷龍駕中流泛羽觴酒因朝太子詩為樂賢王
錦纜方舟渡瓊筵大樂張風搖垂柳色花發異林香
野老歌無事朝臣飲歲芳皇情被羣物中外洽恩光

已上係盛唐之詩

唐詩品彙拾遺卷之八